

समे – 1230 hrs.

<><><><><><>

Special-Campaign-Swachhta

साफ-सफाई दी महत्ता पर जोर पांदे होई ते सरकारी दफतरें च समय सिर कम्म पूरा होने गी ध्यान च रखदे होई इक खास मुहिम शुरू कीती गई ऐ। इस मुहिम दा त्रिया चरण राष्ट्रपिता महात्मा गांधी हुंदी जयंती दे मौके शुरू कीता जा करदा ऐ। अज्जै कोला शुरू एह खास मुहिम 31 अक्टूबर तोड़ी चला'रदे कार्यक्रमें दे तैहत एह खास स्वच्छता अभियान चलाया करदा ऐ। कार्मिक, लोक शकैत ते पेंशन मंत्रालय दे मुताबक तकरीबन 90 लक्ख मुरब्बा फुट इलाके गी पिछले द'ऊं बरें दौरान स्वच्छता अभियान चलाइयै साफ करवाया गोआ ऐ ते इस थाह गी खेतीबाड़ी आस्तै इस्तेमाल च लेआंदा जा'रदा ऐ। एहदे अलावा सरकार नै कबाड़ गी ठिकाने लाइयै 370 करोड़ रपे राजस्व हासल कीता ते 56 जहार लोक शिकायतें दी बी सुनवाई होई।

<><><><><><>

GI-Tag

श्रीनगर च अज्जै कोला इक हफता चलने आला जी.आई यानि भौगोलिक संकेत महोत्सव शुरू होआ करदा ऐ। इस महोत्सव दा आयोजन भारत सरकार दे उद्योग ते आंतरिक बपार संवर्धन विभाग, वाणिज्य ते उद्योग मंत्रालय राई-बाई उत्पाद विभाग, जम्मू-कश्मीर सरकार कन्नै रलिए करा'रदा ऐ। 2 अक्टूबर थमां 8 अक्टूबर तगर चलने आले इस जी.आई महोत्सव दौरान आने आले लोक भारत दे बक्ख-बक्ख हिस्से दे 100 उत्पादें गी परखी सकदे नं

<><><><><><>

Gadkari-Automobile

शिड़क परिवहन ते जरनैली शिड़कें दे मंत्री नितिन गडकरी होरें आखेआ ऐ जे भारत नै अगले 6-4 बरें तोड़ी दुनिया च सब्बनं शा बड्डा आटोमोबाइल मैनुफैक्चरिंग हब बनने दा लक्ष्य रक्खेआ ऐ। गडकरी होरें एह गल्ल प्रेग चेक रिपब्लिक च भारतीयं गी संबोधित करदे होई आकखी। उनें दस्सेआ जे पिछले 9 बरें च आटोमोबाइल उद्योग साड्डे 4 लकख करोड़ रुपें कोला बलिए साड्डे 12 लकख करोड़ रुपे पुज्जी गेआ ऐ। उनें जोड़ेआ जे एहदे कन्नै साड्डे 4 करोड़ नौजवानें गी रोजगार बी थहोआ ऐ।

<><><><><><>

Gandhi-Tribute

अज्ज राष्ट्र राष्ट्रपिता महात्मा गांधी होरें गी उन्दी 154मीं जयंती पर श्रद्धांजलि देआ करदा ऐ। इस मौके पूरे देश च कार्यक्रम आयोजित कीते जा'रदे न ते देश दे बाहर बी महात्मा गांधी हुंदे सम्मान च आयोजन कीते जा रदे न। नमीं दिल्ली दे राजघाट पर बपू जी दी समाधि पर इक सर्व धम्म प्रार्थना सभा आयोजित कीती गई। राष्ट्रपति द्रोपदी मुर्मू, उपराष्ट्रपति जगदीप धनखड़ ते प्रधानमंत्री नरेंद्र मोदी होरें महात्मा गांधी होरें गी राजघाट जाइयै पुष्पांजलि भेंट कीती। लोकसभा स्पीकर ओम बिरला, केंद्री मंत्री हरदीप सिंह पुरी, डॉ. जितेंद्र सिंह, मिनाक्षी लेखी ते कांग्रेस प्रधान मल्लिकार्जुन खड़गे होरें बी राष्ट्रपिता होरें गी श्रद्धांजलि भेंट कीती। अपने सनेह च राष्ट्रपति होरें आखेआ जे गांधी जी हुंदे सच्चाई ते अहिंसा दे उसूल दुनिया गी नमा रस्ता दसदे न। उपराष्ट्रपति होरें गांधी जी दे सिद्धांतें

गी स्हाड़े आस्तै रस्ता दस्सने आली रोशन दस्सेआ। प्रधानमंत्री नरेंद्र मोदी होरें आखेआ जे असेंगी भाईचारे ते एकता दे जज्बे गी मजबूत करने आस्तै गांधी जी दे दस्से गेदे रस्ते पर चलना चाई दा ऐ।

<><><><><><>

Shashtri ji Tribute

अज्ज 2 अक्टूबर गी भारत देश दे साबका प्रधानमंत्री ते इक कर्मठ नेता लाल बहादुर शास्त्री होरें गी उन्दी जयंती पर चेता करा'रदा ऐ। प्रधानमंत्री, राष्ट्रपति, उप-राष्ट्रपति होरें विजय घाट जाइयै शास्त्री होरें गी पुष्पांजलि भेंट कीती। प्रधानमंत्री होरें आखेआ जे शास्त्री जी हुंदा 'जय जवान जय किसान' नारा अज्ज बी सारें गी प्रेरित करदा ऐ।

<><><><><><>

PM-J&K-ODF

प्रधानमंत्री नरेंद्र मोदी होरें जम्मू-कश्मीर ग्राएं दा 100 फीसदी खुल्ले च शौच मुक्त बनने पर खुशी जाहिरर कीती ऐ। स्वच्छ भारत मिशन, ग्रामीण तहत माडल श्रेणी दे दुए चरण च जम्मू-कश्मीर गी ओ.डी.एफ प्लस दर्जा हासिल होआ ऐ। जम्मू-कश्मीर दे लोकें गी बधाई दिंदे होई प्रधानमंत्री होरें आखेआ ऐ जे बड्डी उपलब्धि साफ ते सेहतमंद भारत दी राह गी होर आसान बनाग।

<><><><><><>

US-India Relations

अमरीकी प्रशासन दे आला अधिकारिणं विदेश मंत्री एस. जयशंकर हुंदी भारत-अमरीका बश्कार रिश्ते गी होर निग्गर करने दी बचनबद्धता आस्तै सराहना कीती ऐ। उनें विदेश मंत्री होरे गी भारत अमरीकी रिश्ते गी मजबूत बनाने आला वास्तुकार दस्सेआ। अमीका च भारती राजदूत तरनजीत सिंह संधु होरे विदेश मंत्री एस. जयशंकर हुंदे सम्मान च इक कार्यक्रम दा आयोजन कीता जिस दौरान विदेश मंत्री हुंदी तारीफ कीती गई। इस कार्यक्रम च अमरीकी सरकार दे वरिष्ठ अधिकारी मौजूद हे। उच्च राजनयिक रिचर्ड वर्मा होरे इस मौके मेहनती भारतीय-अमरीकिणं दे योगदान गी महत्वपूर्ण दस्सेआ जेदे कन्ने दौने देशे बश्कार रिश्ते पैहले कोला बी बेहतर होआ करदे न। इस कार्यक्रम च अमरीका च रौहने आले भारतीयें बी शिरकत कीती। विदेश मंत्री एस. जयशंकर होर 22 थमां 30 सितंबर तोड़ी अमरीका यात्रा पर हे जित्थे उनें संयुक्त राष्ट्र महासभा दे 78में सत्र च अपना संबोधन पेश कीता। उनें उच्च अधिकारिणं कन्ने मलाटी बी कीती जिंदे च राष्ट्री सुरक्षा सलाहकार जैक सुल्लीवन, अमरीकी सचिव अटार्नी ब्लिंकन, राजदूत कैथराइन टाय ते अमरीकी रक्षा सचिव लॉयड आस्टिन शामिल हे।

<><><><><><>

CRPF-Bike

केंद्री रिजर्व पुलस बल, महिला ते बाल विकास मंत्रालय कन्ने रलिए सी.आर.पी.एफ महिलां बाईकर्स दे इक दल 'यशस्विनी' दे कन्ने बाईक अभियान आयोजित करने जा रदा ऐ। 3 टीमें दियां 150 महिला सी.आर.पी.एफ अफसर इस अभियान च हिस्सा लैडन। मंत्रालय नै जानकारी दिती ऐ जे एह त्रै टीमं श्रीनगर, शिलांग ते कन्याकुमारी थमां अपनीयात्रा शुरू करडन। इस अभियान दा समापन स्टैच्यू ऑफ यूनिटी, केवड़िया गुजरात कोल होग जित्थे 31 अक्टूबर गी महा आयोजन कीता जाग। एह रैली 15 राज्ये ते 2 केंद्र शासित प्रदेशे थमां गुजरदे होई 10

किलोमीटर दा सफर तय करोग। इस यात्रा दौरान सी.आर.पी.एफ महिला अफसर स्कूली बच्चें, कालेज दे विद्यार्थी, स्वयंसेवी दलें, एनसीसी कैडेट्स ते आंगनवाड़ी वर्कर बी मिलडन।

<><><><><><>